

I. The Introductory Rites



† In nomine Patris, et Filii, et Spiritus Sancti.

R: Amen.

Gratia Domini nostri Iesu Christi, et caritas Dei, et communicatio Sancti Spiritus sit cum omnibus vobis.

R: Et cum spiritu tuo.

Fratres, agnoscamus peccata nostra, ut apti simus ad sacra mysteria celebranda.

Confiteor Deo omnipotenti et vobis, fratres, quia peccavi nimis cogitatione, verbo, opere et omissione:

mea culpa, mea culpa, mea maxima culpa

Ideo precor beatam Mariam semper Virginem, omnes Angelos et Sanctos, et vos, fratres, orare pro me ad Dominum Deum nostrum.

Misereatur nostri omnipotens Deus et, dimissis peccatis nostris, perducatur nos ad vitam aeternam.

R: Amen.

V. Kyrie, eleison.

R. Kyrie, eleison.

V. Christe, eleison.

R. Christe, eleison.

V. Kyrie, eleison.

R. Kyrie, eleison.

Gloria in excelsis Deo et in terra pax hominibus bonae voluntatis.

Laudamus te,

benedicimus te, adoramus te,

glorificamus te,

gratias agimus tibi propter

magnam gloriam tuam,

Domine Deus, Rex caelestis,

Deus Pater omnipotens,

Domine Fili Unigenite, Iesu

Christe,

Domine Deus, Agnus Dei, Filius

Patris,

qui tollis peccata mundi,

miserere nobis;

qui tollis peccata mundi, suscipe

deprecationem nostram.

Qui sedes ad dexteram Patris,

miserere nobis.

Quoniam tu solus Sanctus, tu

solus Dominus, tu solus

Altissimus,

Iesu Christe, cum Sancto Spiritu:

in gloria Dei Patris.

Amen.

Oremus...

II. The Liturgy of the Word



After the first and second readings:

Verbum Domini.

R: Deo gratias.

(Please stand to honor the Gospel)

Chant ...Alleluia...

Dominus vobiscum.

R: Et cum spiritu tuo.

Lectio sancti Evangelii
secundum N.

R: Gloria tibi, Domine.

(Read the Gospel)

Verbum Domini.

R: Laus tibi, Christe.

Professio fidei

**Credo in unum Deum,
Patrem omnipotentem,
factorem caeli et terrae,
visibilium omnium et
invisibilium.**

**Et in unum Dominum Iesum
Christum,
Filium Dei Unigenitum,
et ex Patre natum ante omnia
saecula.**

**Deum de Deo, lumen de lumine,
Deum verum de Deo vero,
genitum, non factum,
consubstantialem Patri:
per quem omnia facta sunt.
Qui propter nos homines et
propter nostram salutem
descendit de caelis,**

**Et incarnatus est de Spiritu
Sancto ex Maria Virgine, et homo
factus est.**

**Crucifixus etiam pro nobis sub
Pontio Pilato;
passus et sepultus est,
et resurrexit tertia die secundum
Scripturas,
et ascendit in caelum, sedet ad
dexteram Patris.
Et iterum venturus est cum
gloria,
iudicare vivos et mortuos,
cuius regni non erit finis.**

**Et in Spiritum Sanctum,
Dominum et vivificantem:
qui ex Patre Filioque procedit.
Qui cum Patre et Filio simul
adoratur et conglorificatur:
qui locutus est per prophetas.**

**Et unam, sanctam, catholicam et
apostolicam Ecclesiam.
Confiteor unum baptisma in
remissionem peccatorum.
Et exspecto resurrectionem
mortuorum,
et vitam venturi saeculi. Amen.**

III. Eucharistic Liturgy



Benedictus es, Domine, Deus
universi,
quia de tua largitate accepimus
panem,
quem tibi offerimus,
fructum terrae et operis manuum
hominum,
ex quo nobis fiet panis vitae.
R: Benedictus Deus in saecula.

Per huius aquae et vini
mysterium
eius efficiamur divinitatis
consortes,
qui humanitatis nostrae fieri
dignatus est particeps.

Benedictus es, Domine, Deus
universi,
quia de tua largitate accepimus
vinum,
quod tibi offerimus,
fructum vitis et operis manuum
hominum,
ex quo nobis fiet potus spiritalis.
R: Benedictus Deus in saecula.

In spiritu humilitatis et in animo
contrito
suscipiamur a te, Domine;
et sic fiat sacrificium nostrum in
conspectu tuo hodie,
ut placeat tibi, Domine Deus.

Lava me, Domine, ab iniquitate
mea,
et a peccato meo munda me.

Orate, fratres:
ut meum ac vestrum sacrificium
acceptabile fiat apud Deum
Patrem omnipotentem.

**R: Suscipiat Dominus sacrificium
de manibus tuis**

ad laudem et gloriam nominis
sui,
ad utilitatem quoque nostram
totiusque Ecclesiae suae sanctae.

PREX EUCHARISTICA
(Preface)

Dominus vobiscum.
R: Et cum spiritu tuo.

Sursum corda.
R: Habemus ad Dominum.

Gratias agamus Domino Deo
nostro.
R: Dignum et iustum est.

Oremus...

**Sanctus, Sanctus, Sanctus
Dominus Deus Sabaoth.
Pleni sunt caeli et terra gloria
tua.
Hosanna in excelsis.
Benedictus qui venit in nomine
Domini.
Hosanna in excelsis.**

Eucharistic Prayer II

Vere Sanctus es, Dómine, fons
omnis sanctitátis.

Haec ergo dona, quaesumus,
Spíritus tui rore sanctífica,

ut nobis Corpus et † Sanguis
fiant Dómini nostri Iesu Christi.
Qui cum Passióni voluntárie
traderétur, accépit panem et
grátias agens fregit, dedítque
discípulis suis, dicens:

ACCÍPITE ET MANDUCÁTE EX HOC
OMNES:
HOC EST ENIM CORPUS MEUM,
QUOD PRO VOBIS TRADÉTUR.

Símili modo, postquam cenátum
est, accípiens et cálicem
íterum tibi grátias agens
dedit discípulis suis, dicens:

ACCÍPITE ET BÍBITE EX EO OMNES:
HIC EST ENIM CALIX SÁNGUINIS
MEI
NOVI ET AETÉRNAI TESTAMÉNTI,
QUI PRO VOBIS ET PRO MULTIS
EFFUNDÉTUR
IN REMISSIÓN EUM PECCATÓRUM.

HOC FÁCITE IN MEAM
COMMEMORATIÓNEM.

Mystérium fidei.

**R: Mortem tuam annuntiámus,
Dómine, et tuam resurrectiónem
confitémur, donec vénias.**

Mémores igitur mortis et
resurrectiónis eius, tibi, Dómine,
panem vitae et cálicem salútis
offérimus, grátias ágentes quia
nos dignos habuísti astáre coram
te et tibi ministráre.

Et súpplíces deprecámur
ut Córporis et SÁnguinis Christi
partícipes a Spíritu Sancto
congregémur in unum.

Recordáre, Dómine, Ecclésiiae
tuae toto orbe diffúsae,
ut eam in caritáte perfícias
una cum Papa nostro N.
et Epíscopo nostro N.
et univérso clero.

(In Missis pro defunctis addi potest)
Meménto fámuli tui (fámulae tuae) N.,
quem (quam) (hódie) ad te ex hoc
mundo vocásti. Concéde, ut,
ui (quae) complantátus (complantáta)
fuit similitúdini mortis Fílii tui,
simul fiat et resurrectiónis ipsíus.

Meménto étiam fratrum
nostrórum, qui in spe
resurrectiónis dormiérunt,
omniúmque in tua miseratióne
defunctórum, et eos in lumen
vultus tui admítte.

Omnium nostrum, quaesumus,
miserére, ut cum beáta Dei
Genetríce Vírgine María,
beáto Ioseph, eius Sponso,
beátis Apóstolis et ómnibus
Sanctis, qui tibi a saeculo
placuérunt, aetérnae vitae
mereámur esse consórtes,
et te laudémus et glorificémus

per Fílium tuum Iesum
Christum.

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia saecula saeculórum.

R: Amen.

IV. Communion Rites



Praeceptis salutaribus moniti,
et divina institutione formati,
audemus dicere:

**Pater noster, qui es in caelis:
sanctificetur nomen tuum;
adveniat regnum tuum;
fiat voluntas tua, sicut in caelo, et
in terra.**

**Panem nostrum cotidianum da
nobis hodie;
et dimitte nobis debita nostra,
sicutet nos dimittimus
debitoribus nostris;
et ne nos inducas in tentationem;
sed libera nos a malo.**

Libera nos, quaesumus, Domine,
ab omnibus malis, da propitius
pacem in diebus nostris,
ut, ope misericordiae tuae adiuti,
et a peccato simus semper liberi
et ab omni perturbatione securi:
exspectantes beatam spem
et adventum Salvatoris nostri
Iesu Christi.

**R: Quia tuum est regnum,
et potestas, et gloria
in saecula.**

Domine Iesu Christe, qui dixisti
Apostolis tuis: Pacem relinquo
vobis, pacem meam do vobis:
ne respicias peccata nostra,
sed fidem Ecclesiae tuae;
eamque secundum voluntatem
tuam pacificare et coadunare
digneris.

Qui vivis et regnas in saecula
saeculorum.

R: Amen.

Pax Domini sit semper vobiscum.
R: Et cum spiritu tuo.

Offerte vobis pacem.

Haec commixtio Coporis et
Sanguinis Domini nostri Iesu
Christi fiat accipientibus nobis in
vitam aeternam.

**Agnus Dei, qui tollis peccata
mundi: miserere nobis.
Agnus Dei, qui tollis peccata
mundi: miserere nobis.
Agnus Dei, qui tollis peccata
mundi: dona nobis pacem.**

Domine Iesu Christe, Fili Dei vivi,
qui ex voluntate Patris,
cooperante Spiritu Sancto,
per mortem tuam mundum
vivificasti: libera me per hoc
sacrosanctum Corpus et
Sanguinem tuum ab omnibus
iniquitatibus meis et universis
malis: et fac me tuis semper
inhaerere mandatis,
et a te numquam separari
permittas.

Ecce Agnus Dei, ecce qui tollit
peccata mundi.
Beati qui ad cenam Agni vocati
sunt.

**R: Domine, non sum dignus, ut
intres sub tectum meum:
sed tantum dic verbo, et
sanabitur anima mea.**

Oremus....

V. Closing Liturgy



Dominus vobiscum.

R: Et cum spiritu tuo.

Benedicat vos omnipotens Deus,

Pater, et Filius, † et Spiritus
Sanctus.

R: Amen.

Ite ad Evangelium Domini
nuntiandum.

R: Deo gratias.